

PORAŽAVAJUĆE


Svaka druga žena u BiH starija od 15 godina žrtva je rodno zasnovanog nasilja

U Bosni i Hercegovini je, prema raspoloživim informacijama relevantnih institucija, svaka druga žena od 15 i više godina bila barem jednom žrtva jednog od oblika rodno zasnovanog nasilja, rečeno je u Sarajevu na javnoj raspravi "Stanje ljudskih prava u oblasti seksualnog i reproduktivnog zdravlja i rodno zasnovanog nasilja u BiH". Programska analitičarka za seksualno-reproduktivno zdravlje mladih u Popu-

lacijskom fondu UN-a (UNFPA) Enida Imamović rekla je kako ovi podaci ukazuju da se u BiH mora raditi na suzbijanju i sprječavanju rodno zasnovanog nasilja. "Prema podacima redovite statistike, već nekoliko godina u BiH nemamo slučajeva maternalne smrtnosti, ali to ne znači da ne trebamo i dalje raditi na unaprijeđenju zdravstvene zaštite u ovoj oblasti, ali i na smanjenju nezadovoljenih potreba za kontracepcijom jer je

postotak u zemlji devet posto", rekla je Imamović novinarima prije održavanja rasprave. Prema njezinim riječima, nijedna zemlja u svijetu ne može se pohvaliti da je dostigla sve zacrtane ciljeve, odnosno da je dostigla tri transformativna cilja "tri nule" – nula slučajeva maternalne smrtno-

sti, nezadovoljenih potreba za kontracepcijom te nula slučajeva rodno zasnovanog nasilja. Ombudsman za ljudska prava u BiH Jasminka Džumhur rekla je da određeni parametri, koji se obrađuju u UN-u, ukazuju da će do 2050. godine BiH izgubiti više od 40 posto svoje populacije. "Re-



ILUSTRACIJA

zultat ovoga nije samo činjenica da je veća stopa mortaliteta u odnosu na natalitet, nego i pitanje odlaska stanovništva iz BiH", istaknula je Džumhur te dodala kako su to bili razlozi da se urade istraživanja vezano uz seksualna i reproduktivna prava jer se ona izravno vežu za pitanje prirodnog prirasta, a koja uključuju pitanja planiranja obitelji. "Mapping koji je završen ukazuje da je BiH u značajnoj mjeri svoje zakonodavstvo uskladila s međunarodnim standardima i da predstavlja dobru polaznu osnovu", rekla je Džumhur. Predsjedateljica Institucije ombudsmana za ljudska prava BiH Nives Jukić rekla je da ova institucija, zajedno s UNFPA-om, prvi put radi izvješće o stanju ljudskih prava u oblasti seksualnog i reproduktivnog zdravlja. (ri)